



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry for Education

Broj: 11-03/01-34-24216-1/22  
Sarajevo, 22.06.2022. godine

**Svim predškolskim ustanovama registriranim na području Kantona Sarajevo  
n/r direktora/direktorice**

**PREDMET: Instrukcija o upisu djece u predškolske ustanove u školsku 2022./2023. godinu**

Poštovani,

imajući u vidu činjenicu da je član 18. stav (2) Zakona o predškolskom odgoju i obrazovanju u Kantonu Sarajevo ("Službene novine Kantona Sarajevo", br. 26/08, 21/09 i 33/21) - u daljem tekstu: Zakon o predškolskom odgoju i obrazovanju u Kantonu Sarajevo, utvrdio obavezu da predškolske ustanove, u pogledu ostvarivanja uvjeta i sprovođenja procedura bez diskriminacije, *osiguraju jednake mogućnosti za prijem sve djece*, a polazeći od činjenice da Ministarstvo za odgoj i obrazovanje Kantona Sarajevo (u daljem tekstu Ministarstvo) u ostvarivanju prava građana kao organ uprave ima obavezu osigurati uvjete da građani mogu na efikasan, brz i jednostavan način ostvarivati svoja prava i izvršavati obaveze pri čemu je potrebno građanima pružati potrebnu pravnu pomoć i davati odgovarajuća objašnjenja i upute za ostvarivanje njihovih prava i obaveza dostavljamo Vam ovu instrukciju na pažnju i dalje postupanje.

Polazeći od principa da pravo djeteta na odgoj i obrazovanje i pravilnu brigu za dobrobit njegovog fizičkog i mentalnog zdravlja i sigurnosti ima prednost nad svim drugim pravima, a kako bi se osigurala potpuna primjena principa i ciljeva koji obezbjeđuju osnovna prava djece definisana Zakonom o predškolskom odgoju i obrazovanju u Kantonu Sarajevo, Vlada Kantona Sarajevo donijela je Zaključak broj: 02-04-24215-36/22 od 16.6.2022. godine kojim se usvaja Program sufinansiranja i boravka djece u privatnim predškolskim ustanovama Kantona Sarajevo u školskoj 2022./2023. godini. Navedenim zaključkom Ministarstvo za odgoj i obrazovanje Kantona Sarajevo zaduženo je da preduzme mjere i radnje iz svoje nadležnosti definisane navedenim programom.

Bitno je napomenuti da Ministarstvo za odgoj i obrazovanje Kantona Sarajevo ima ustavnu nadležnost u oblasti uređenja preduniverzitetskog obrazovanja. S obzirom da su u proteklom periodu uveden i uspješno implementiran sistem EMIS i e-dnevnik u osnovnim i srednjim školama u Kantonu Sarajevo, kao i da je omogućen "online" upis u srednje škole, a analizirajući dosadašnje aktivnosti i potrebe javnih i privatnih predškolskih ustanova, Ministarstvo za odgoj i obrazovanje pokrenulo je proces digitalizacije procesa za oblast predškolskog obrazovanja kroz izradu softvera "EMIS-predškolsko".



Ova instrukcija, između ostalog ima za cilj da ustanovama i roditeljima/starateljima/hraniteljima čije dijete ima potrebu da pohađa neki od programa koji se realiziraju u sistemu predškolskog odgoja i obrazovanja u Kantonu Sarajevo na jednostavan i pristupačan način osigura potrebne informacije i upute kako ostvariti upis djeteta u predškolske ustanove kroz softver "EMIS-predškolsko".

**Online prijava u predškolske ustanove odvija se na sljedeći način:**

**I Rezervacija mjesta u predškolskoj ustanovi koju dijete pohađa**

Roditelj/Staratelj/Hranitelj (u daljem tekstu „roditelj“) čije dijete već pohađa određene predškolske ustanove u obavezi je, ukoliko želi nastaviti, da u toj predškolskoj ustanovi koju dijete već pohađa potpiše izjavu da su saglasni da će dijete nastaviti pohađati istu. Za navedene roditelje neophodne podatke u sistem unose EMIS osobe iz predškolskih ustanova prema ranije datim uputama najkasnije do 24.6. 2022. godine.

**II Upis djece koja se prvi put upisuju ili promjena predškolske ustanove koju je dijete pohađalo**

<b>FAZA 1.</b>			
<b>R/br</b>	<b>Kratak opis aktivnosti</b>	<b>Nosilac aktivnosti</b>	<b>Datum aktivnosti</b>
1.	Registracija djeteta u sistem	Roditelj	27/06-04/07/2022.
2.	Verifikacija podataka koje su unijeli roditelji	EMIS osobe iz predškolskih ustanova	27/06-06/07/2022.
3.	Ispravka pogrešno unesenih podataka	Roditelj EMIS osobe iz predškolskih ustanova	27/06-06/07/2022.
<b>JAVNI POZIV ZA UPIS DJECE U PREDŠKOLSKE USTANOVE</b>			
<b>FAZA 2.</b>			
1.	Odabir predškolskih ustanova (do optimalnog broja po grupama po Instrukciji Ministarstva za odgoj i obrazovanje Kantona Sarajevo)	Roditelj	07/07-16/07/2022
2.	Generisanje liste primljene djece po odgojnim grupama predškolskih ustanova	Sistem EMIS osobe iz Ministarstva	16/07/2022
<b>FAZA 3.</b>			
1.	Odabir predškolskih ustanova (do maksimalnog broja po grupama po	Roditelj	17/07-27/07/2022



Adresa: Reisa Džemaludina Čauševića 1, 71 000 Sarajevo  
Tel: + 387 (0) 33 562-128  
Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)

	Instrukciji Ministarstva za odgoj i obrazovanje Kantona Sarajevo)		
2.	Generisanje liste primljene djece u predškolske ustanove	Sistem EMIS osobe iz Ministarstva	27/07/2022
3.	Generisanje liste djece koja nisu primljena u predškolske ustanove	Sistem EMIS osobe iz Ministarstva	27/07/2022

Tabela 1.

### Dodatna pojašnjenja aktivnosti iz Tabele 1.

#### Registracija - FAZA I, aktivnost 1

Registracija djeteta u sistem vrši se pristupom web stranici [predskolsko.emis.edu.ba](http://predskolsko.emis.edu.ba), koja će biti dostupna roditelju od 27.6.2022. godine, gdje će prilikom registracije roditelj:

- unositi tražene podatke iz obrasca registracije:
  - a. Ime i prezime djeteta;
  - b. Pol djeteta
  - c. Ime i prezime roditelja;
  - d. Datum rođenja djeteta;
  - e. Matični broj djeteta;
  - f. E-mail adresa roditelja;
  - g. Kontakt telefon roditelja;
  - h. Jedan ili oba roditelja zaposleni;
  - i. Adresa stanovanja (po CIPS prijavi);
  - j. Općina stanovanja;
  - k. Brat/sestra djeteta u vrtiću;
  - l. Ukoliko je odgovor na prethodno DA
    - Upisati oID brata/sestre (vrtićima će biti omogućeno štampanje oID broja za upisanu djecu. Roditelj će od vrtića zatražiti oID broj za dijete za koje je rezervirano mjesto)
  - m. Dijete bez roditelja/dijete iz hraniteljske porodice;
  - n. Dijete samohranog ili razvedenog roditelja;
  - o. Dijete pripadnik romske populacije;
  - p. Dijete sa teškoćama u razvoju i
  - q. Bitne napomene.

Napomena: roditelj će prilikom registracije unijeti korisničko ime i lozinku, koje treba zapamtiti i koristiti prilikom svake sljedeće prijave na sistem

- Nakon uspješne registracije roditelj će dodati fotografije ili skenirani dokument kojim se potvrđuju gore uneseni podaci:



Adresa: Reisa Džemaludina Čauševića 1, 71 000 Sarajevo  
 Tel: + 387 (0) 33 562-128  
 Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)

- a. CIPS prijava djeteta;
  - b. Rodni list djeteta;
  - c. Uvjerenje o državljanstvu djeteta;
  - d. Rješenje o starateljstvu za djecu samohranog, razvedenog roditelje ili iz hraniteljske porodice;
  - e. Dokaz o zaposlenju jednog roditelja;
  - f. Izjava da je porodica iz koje dolazi dijete porodica nacionalne manjine;
  - g. Medicinska dokumentacija iz koje se može utvrditi da dijete ima teškoće u razvoju;
  - h. Drugi relevantni dokumenti.
- Potvrditi registraciju na linku koji je automatski dostavljen roditelju na unesenu e-mail adresu, nakon čega roditelj dobija obavijest da je proces registracije završen kao i oID koji je vezan za njegovo dijete (prijavu).
  - Biti dostupan EMIS odgovornim osobama u postupku verifikacije podataka koje su unijeli roditelji i eventualne ispravke unesenih podataka.

### **Odabir predškolskih ustanova (do optimalnog broja po grupama i do maksimalnog broja po grupama) – Faza II i Faza III**

Roditelj će se u sistemu prilikom izbora prikazivati samo odgojne grupe po vrtićima koje u skladu sa uzrastom djeteta, dijete može pohadati uz naznačeni broj slobodnih mjesta.

Nakon što je roditelj završio registraciju djeteta, pristupa web stranici [predskolsko.emis.edu.ba](http://predskolsko.emis.edu.ba) kako bi izabrao predškolsku ustanovu na sljedeći način u rokovima kao u Tabeli 1:

1. Roditelj odabire predškolsku ustanovu koju želi da dijete pohađa, kao izbor 1.
2. Roditelj ima mogućnost da pored izbora 1, odabere i zamjensku predškolsku ustanovu kao izbor 2 i izbor 3, u koju želi da mu dijete bude upisano, ako ne bude primljeno u predškolsku ustanovu definisanu u okviru izbora 1.
3. Sve registrovani predškolske ustanove i organizacione jedinice jednako su dostupne za izbor u odnosu na slobodna mjesta bez obzira da li je riječ o Javnoj ustanovi „Djeca Sarajeva“ ili privatnim predškolskim ustanovama.

### **Generisanje liste primljene djece po odgojnim grupama predškolskih ustanova - Faza II, aktivnost 2 i Faza III, aktivnost 2**

- U skladu sa unesenim podacima o djetetu prilikom registracije, vrši se obračun bodova i generiše se lista primljene djece po odgojnim grupama predškolskih ustanova.

Obračun bodova se vrši u skladu sa sljedećim kriterijima:

- a. Općina stanovanja (ukoliko je odabrani vrtić sa općine stanovanja)..... **5 bodova;**
- b. Jedan ili oba roditelja zaposleni..... **5 bodova;**
- c. Brat/sestra djeteta u odabranom vrtiću..... **10 bodova;**
- d. Dijete bez roditelja/dijete iz hraniteljske porodice ..... **10 bodova;**
- e. Dijete samohranog ili razvedenog roditelja ..... **5 bodova;**
- f. Dijete pripadnik romske populacije ..... **10 bodova i**
- g. Dijete sa teškoćama u razvoju..... **10 bodova.**

Maksimalan broj bodova koji se može ostvariti jeste **55 bodova.**



Adresa: Reisa Džemaludina Čauševića 1, 71 000 Sarajevo  
 Tel: + 387 (0) 33 562-128  
 Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)

- U Fazi II (iz Tabele 1) – „odabir predškolske ustanove/odgojne grupe“ oglašena su samo slobodna mjesta do optimalnog broja po grupama (zbog mogućnosti prijave djece sa teškoćama).
- Ukoliko se dijete nalazi na listi primljene djece po odgojnim grupama nakon Faze II smatra se da je primljeno u predškolsku ustanovu.
- U Fazi III (iz Tabele 1) – „odabir predškolske ustanove/odgojne grupe“ roditeljima se prikazuju slobodna mjesta do maksimalnog broja po odgojnim grupama.
- Faza II i Faza III realizira se u rokovima definisanim u Tabeli 1.

Liste primljene djece po odgojnim grupama predškolskih ustanova nakon obje faze bit će vidljive roditeljima kroz sistem svakom roditelju na stranici [predskolsko.emis.edu.ba](http://predskolsko.emis.edu.ba)

### III- Javni poziv

Javni poziv sa prikazom broja slobodnih mjesta Ministarstvo za odgoj i obrazovanje će oglašiti na web stranici Ministarstva za odgoj i obrazovanje najkasnije do 6.7.2022. sa podacima za optimalni odnosno maksimalni broj po odgojnim grupama.

Javni poziv ostat će otvoren za cijelu školsku 2022/23. godinu u skladu sa slobodnim mjestima u predškolskim ustanovama na bazi evidencije u EMIS sistemu.

Ukoliko roditelj ne može samostalno izvršiti registraciju, prijavu i odabir vrtića, isti će se moći obratiti za pomoć i podršku u jednoj od predškolskih ustanova koje će biti određene u tekstu javnog poziva.

### IV-Upis i predaja dokumentacije

Predaja originalne dokumentacije vrši se u predškolskoj ustanovi u koju je dijete primljeno prema rokovima koje odredi predškolska ustanova čime se smatra da je dijete upisano u predškolsku ustanovu.

### V – Napomena

Bitno je napomenuti da u postupku upisa djece ustanove imaju obavezu osigurati da sve osobe koje dolaze u kontakt s podacima u informacionom sistemu upravljanja u obrazovanju, odnosno podacima koji su u uskladišteni u softver "EMIS-predškolsko" moraju biti upoznati da dolaze u kontakt s podacima koji predstavljaju službenu tajnu, te da se moraju pridržavati Zakona o zaštiti ličnih podataka ("Službeni glasnik BiH", br. 49/06, 76/11 i 89/11) i da svaka zloupotreba podataka iz baze podataka za sobom povlači odgovornost kao i sankcije u skladu sa zakonom. Podaci iz dokumentacije i evidencije moraju biti zaštićeni od zloupotrebe, uništenja, gubitka, neovlaštenih promjena ili pristupa, u skladu s odredbama zakona i provedbenih propisa.

Sve ustanove su u obavezi da u smislu člana 52. stav (2) Zakona o predškolskom odgoju i obrazovanju u Kantonu Sarajevo usklade Pravila ustanove, odnosno opće akte koji uređuju pitanje



prijema i upisa djece u predškolsku ustanovu, sa principima i kriterijima definisanim ovom instrukcijom.

Na stranici [predskolsko.emis.edu.ba](http://predskolsko.emis.edu.ba) bit će dostupne mogućnosti pregleda korisničkog uputstva, kao i mogućnost podrške prilikom registracije i prijave.

S poštovanjem,



Dostaviti:

- naslovu;
- u Spis;
- a/a.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-128

Web: <http://mo.ks.gov.ba>, E-mail: [mo@mo.ks.gov.ba](mailto:mo@mo.ks.gov.ba)